

UNTUK SIARAN SEGERA



**KENYATAAN MEDIA
KEMENTERIAN PENDIDIKAN MALAYSIA**

**KPM JAMIN KESELAMATAN DI SEMUA INSTITUSI PENDIDIKAN
BAWAH KELOLAANNYA**

Kementerian Pendidikan Malaysia (KPM) mengambil perhatian ancaman keselamatan di beberapa buah sekolah antarabangsa dan sekolah ekspatriat seperti yang dilaporkan oleh media.

KPM memandang serius isu ini dan sentiasa mengutamakan keselamatan guru, murid dan seluruh warga institusi pendidikan bawah kelolaannya. Kerjasama erat KPM dan Polis Diraja Malaysia (PDRM) juga dapat menjamin keselamatan di semua institusi pendidikan.

Semua institusi pendidikan KPM diminta untuk mematuhi prosedur keselamatan yang telah ditetapkan. Sebarang ancaman keselamatan perlu dilaporkan segera kepada PDRM dan KPM. Institusi pendidikan juga perlu mematuhi arahan yang dikeluarkan oleh pihak berkuasa.

KPM komited memastikan kesejahteraan, keselamatan dan kebajikan guru, murid dan seluruh warga institusi pendidikan bawah kelolaannya terpelihara.

-TAMAT-

**KEMENTERIAN PENDIDIKAN MALAYSIA
22 NOVEMBER 2023**